

Кузнецова Муза Руслановна

Миян озырлун

Видза оланнуд, Крымын пыдди пуктана олысьяс! Кыдз нө оланнуд-выланнуд миян өтувья Россияын? Öнi тiянлы некод оз мешайтчы, оз пöгибö вошты? Ена-ö бурмис тiян олöмнуд миян канмуын? Ме надейтча, мый тi зэв кыпыда да бура оланнуд, он жалитöй, мый бергöдчиннуд Россияö.

Кöсья висьталыштны тiянлы аслам радейтана чужан му йылысь. Танi миянöс гөгöрбок кытшалö вөр. Ме зэ вена радейта ассьым пармаöс. Во гөгöрнас сийö вежсьö нельысь: арын, тöлын, тулысын да гожöмын. И быд кадö сылөн эмöсь аслыспöлöслуньяс.

А кутшöм мича вөрным арнас! Пельысь пуяс сэтшöм мичаöсь сулалöны, быттьö найöс кодкö баситöма. Ылысянь татшöм пуясыс тыдалöны. А кызд пуяс дзик öд зарни екмыльяс кодьöсь, сэтшöма югьялöны! Корьясыс ньöжйöник гылалöны-лэбöны, да наысь артмö зэв мича, уна рöма джодждöра. Вöрын гораммö йөлöга. Лун-лун заводитö зэрласьны, войясыс пемдöны. Эм татшöм шусьöг: «Арся луннад сизим пöлöс поводдя овлö: кöдзыдалö, тövзбылö, гартлö, гудралö, нетшкö, вывсянь кисьтö, увсянь чышкö». Позьö казтьыштны нöшта на и татшöм шусьöг: «Сентябрыд кöдзыд,но озыр». Тадзи и эм. Татчö позьö вайöдны П. Бушеневлысь кывбурсö:

Босьта киö ыджыд чуман,

Тшакла вөрö чожа муна.

Коз пу улö дзкбсьö ельдöг,

Муртса тыдалыштö пельтор.

Сэсся паныдасяс ягсер-

Вотчан дозийö пукта тшаксö.

Тшакыс вöрын уна эм.

Зэрöм бöрын петiс тшем.

Но, а тайö эськö код?

Тайö медся чöскыд гоб!

Нöшта сюрас уртшак гоз...

Со и тырас чулькйöн доз.

Сер арын со кутшöм серпасыс:пуяслысь корьяссö вөрзьöдны оз позь, пыр жö усьöны, гылалöны, ывла вылас шуштöм да кöдзыд; руд енэжысь зэрны оз и дугдывлы. Но та вылö видзöдтöг век жö арнас вөрным миян зэв кыпыд да мича!

А төвнас сыыс на мичаджык! Гөгөрбок вевттьома көч гоныс на небыдджык, байдөггыс на еджыдджык лымйөн. Шондї водзас став пуыс да муыс дзирдалө. Но төвнас овлө сэтшөм кодзыд, мый мичлун йывсьыд он и думыштлы, сөмын өдйөджык эськө воөдчыны гортад. Та йылыс «Турөба войө» кывбурын зэв бура гижөма А. Мишарина:

Парма шөрын турөб

Төвся войө дурө,

Пожөмьяскөд бертө ассьыс вын.

Вөсныдик том пелыс

Тайө дурмөм төлыс

Песовтчө,но некыдзи оз мын...

...Шувгө-увгө вөрыс.

Роймөм пуыс вөрө,

Горсьяс бөжнас шебрасьөма ур.

Ош гу вылын тола,

Ошлы быть өд колө

Узыны - төлын сеян доз сюр...

Көдзыд вылө видзөдтөг төвся вөрыд – тайө зэв мича, дзирдалыс еджыд платтьөба невеста.

Тулыснад шондї заводитө качны пыр вылөджык и вылөджык, лышкыда койны ассьыс югөрьяссө. Мыйта радлуныс йөзыслы, став ловьяыслы. Уджалө шондї мудз төдтөг, медым му вылас ставыс бөр ловзис, вынсяліс: быдмөгьяс и пемөсьяс. Заводитө сывны лым, сөдөдөны туйяс. Гажаджык,югыдджык тулыснас вөр. Сэні ставыс син водзад вежсьө. Пуяс гөгөр лымйыс сера, пистиөсь, кодкө быттьө көрт тувйон чутйөдлөма. Тайө войталөма пуяс вылыс сылом лымйыс. Пашкыр кыз пуяс вылө тулысыс өшлөма мича исергаяс. Исергаасьөмабсь тшөтш ловпу да пипу. Быд тулыс шонид муясыс, ылі саридзьяс сайыс мян войвылө локталөны лэбачьяс: уткаяс, дзодзөгьяс, юсьяс, турияс... Гажа тулысыс уна радлун вайө и посни лэбачьяслы,кодьяс төвбыд олөны тані. Вөр вочасөн шызбө лунвылыс воөм гөсьгьясөн. Кутшөм сыланкыв сөмын он кывлы мян парма-ягыс! Сэсся кутасны петны пуяс вылын корьяс, му вылын – турун да дзоридзьяс. Ставыс нөшта на югзяс да мичаммас. Тулысын быдөнкөд мелі.

А гожөмын кутшөм сэзь да шань! Гожөм пуксигөн муыс и ваыс гөгөрбок ловзбө. Ставыс тырө уна рөма дзоридзьясөн. Ывла вылыс оналө, нырад сатшкысьө аслыспөлөс небыд дука вөрлөн кылөмыс. Зарни, дзирыд, югыд шондї гөгөрбок сотө-шонтө. Гожөмнас ставпөлөс тшакнас- масленикөн, еджыд гобөн, гөрд гобөн, рыжикөн, да вотөснас- озйөн, өмидзөн, сэтөрөн, льөмйөн, лежнөгөн – ми чөсмасям. Кыдзи татшөм гожөмтө он радейт! Эськө эм жө дэльөданторйыс – ном-геб, лөдз. Ена жө и курччасьөны найө! Дөсадитласны гожөмбыд.

А вөрыд саридзьяс, тыяс да юяс моз жө мулөн медся мича вөчанторйыс, сылөн уна рөма вөччан паськөм. Вөрыд век зэв мича! И төвся луньясө, кор пемыд енэжыс улө өшйө

лымйөн вевтгысьём пуяс весьтö; и тулысын ,кор дзоридзалö льём; и жар гожöмын, кор шоналём сынöдыс öвтö сир дукөн; и арнас, кор лунвылö лэбöны лэбачьяс да гылалöны му вылас зарни рöма корьяс. Со кыдзи та йылысь гижö А. Ванеев аслас «Во гөгөр кытшовтём» кывбурын:

Жургöны шорьяс,
Öдйö сылö лым.
Ыбьяс весьтын гора
Сяркöдчö кö гым,-
Сідзкö, войвыв мулы
Чолём ыстö тулыс.
Шондi качö вылö,
Енэж лöзысь-лöз.
Лунтыр видзьяс вылын
Турун пунктö йöз,-
Сідзкö, Эжва вожö
Бара воис гожöм.
Вөр-ва быттö узьö,
Ыбын ставыс куш,
Асья кадö усьö
Лысва пыдди пуж.
Кызлөн корйыс зарни,
Сідзкö, воис ар нин.
Лымъя ягын-сенын
Унзиль пожöм-коз.
Тыяс-юяс вомён
Водiс йиа пос.
Вуджам мöдлапöлö...
Видза олан, тöлöй!

Вөр – миян озырлун. Миянлысь дзоньвидзалун видзысь да миян мулөн медся мича паськөм. Сідзкө, сійöс колö видзны-дöзьöритны, кыдзи зэв ыджыд да дона колантор. Со

мый вöсна меным зэв дона аслам пармабй. Но дона и сы понда, мый тайö менам Чужан му! И ме сйöс некор нинöм вылö ог веж.

А мый тiянлы меддона асланыд чужан муаныд? Ме öд некор на эг вöвлы саридз дорын и окота тöдны ставсö.